

NAREDBA O OBUSTAVI ISTRAGE

Ukoliko nakon provedene istrage tužilac ustanovi da djelo koje je učinio osumnjičeni nije krivično djelo, ako postoje okolnosti koje isključuju krivicu osumnjičenog, ako nema dovoljno dokaza da je osumnjičeni počinio krivično djelo, ako je djelo obuhvaćeno amnestijom ili pomilovanjem ili zastarjelošću ili ako postoje druge smetnje koje isključuju krivično gonjenje, tužilac će naredbom obustaviti istragu. O tome će u roku od tri dana obavijestiti oštećenog, osumnjičenog (ako je ispitan u toku istrage) i lice koje je prijavilo krivično djelo. Protiv naredbe tužioca o obustavi istrage oštećeni ima pravo, u roku od osam dana od dana prijema obavještenja, podnijeti pritužbu kancelariji tužioca.


OPTUŽNICA

Kada tužilac utvrdi da postoji dovoljno dokaza iz kojih proizilazi osnovana sumnja da je osumnjičeni učinio krivično djelo, on podiže optužnicu. Optužnica se, zajedno sa prikupljenim dokazima i prijedlogom svjedoka, podnosi nadležnom sudu na potvrđivanje. Kada sud potvrdi jednu ili više tačaka iz optužnice, osumnjičeni dobiva status optuženog. Ukoliko sud rješenjem odbije potvrđivanje optužnice, tužilac ima pravo žalbe. Tužilac može povući optužnicu, bez prethodnog odobrenja suda, do njenog potvrđivanja. Nakon što je optužnica potvrđena, pa do početka glavnog pretresa, tužilac može povući optužnicu samo uz odobrenje sudije za prethodno saslušanje.

Ova publikacija realizirana je u okviru projekta „Podrška pravosuđu u Bosni i Hercegovini – Jačanje tužilačkih kapaciteta u sistemu krivičnog pravosuđa“ Visokog sudskog i tužilačkog vijeća Bosne i Hercegovine, uz podršku Vlade Švicarske, posredstvom Švicarske agencije za razvoj i saradnju (SDC)



Visoko sudsko i tužilačko vijeće Bosne i Hercegovine
Visoko sudbeno i tužilačko vijeće Bosne i Hercegovine
Високи судски и тужилачки савет Босне и Херцеговине
High Judicial and Prosecutorial Council of Bosnia and Herzegovina



Visoko sudsko i tužilačko vijeće Bosne i Hercegovine
Visoko sudbeno i tužilačko vijeće Bosne i Hercegovine
Високи судски и тужилачки савет Босне и Херцеговине
High Judicial and Prosecutorial Council of Bosnia and Herzegovina



Schweizerische Eidgenossenschaft
Confédération suisse
Confederazione Svizzera
Confederaziun svizra

Federal Department of Foreign Affairs FDFA
Swiss Agency for Development and Cooperation SDC

PRAVA I DUŽNOSTI TUŽIOCA

PRAVA I DUŽNOSTI TUŽIOCA

U tužilaštvima poslove i dužnosti obavljaju glavni tužioci, zamjenici glavnih tužioca i tužioci, koje imenuje Visoko sudsko i tužilačko vijeće Bosne i Hercegovine kao nezavisno državno tijelo. Osim tužilaca u tužilaštvima rade i pravni saradnici, stručni savjetnici, kao i administrativno i tehničko osoblje, koje svojim radom doprinosi funkcioniranju i radu tužilačke institucije.

Prema podacima Visokog sudskog i tužilačkog vijeća Bosne i Hercegovine u septembru 2012. godine u Bosni i Hercegovini je radilo 314 tužilaca u svim tužilaštvima.

Tužilac kao stranka u postupku ima ovlaštenja da goni učinioce krivičnih djela, pri čemu mu zakonodavac prepušta nadležnosti i daje odgovornost za cjelokupan postupak otkrivanja i rasvjetljavanja krivičnih djela, tako što istražni postupak u cijelosti stavlja u ovlaštenje i dužnost tužioca.

Pojedine radnje i mjere koje se sprovode u istražnom postupku, a mogu da proizvedu posljedice kojima bi bila narušena ili ograničena neka od osnovnih ljudskih prava i sloboda građana, stavljaju se pod kontrolu suda.

Tužioci, također imaju ulogu koja se odnosi na koordiniranje rada policijskih agencija i svih subjekata koji sudjeluju u istrazi.

Prava i dužnosti tužioca definirana su zakonima o krivičnom postupku u BiH. S tim u vezi, tužilac ima prava i obaveze da:

-  po saznanju da postoje osnovi sumnje da je učinjeno krivično djelo, preduzme potrebne mjere i aktivnosti u cilju njegovog otkrivanja i provođenja istrage, pronalaženje osumnjičenog, rukovođenja i nadzora nad istragom, kao i mjere radi upravljanja aktivnostima ovlaštenih službenih lica vezanih za pronalaženje osumnjičenog i prikupljanje izjava i dokaza;
-  provede istragu u skladu sa zakonom o krivičnom postupku;
-  daje imunitet;
-  zahtijeva dostavu informacija od državnih organa, preduzeća, pravnih i fizičkih lica;
-  izdaje pozive i naredbe i predlaže njihovo izdavanje u skladu sa zakonom;
-  naredi ovlaštenom službenom licu da izvrši naredbu izdatu od stane suda;
-  utvrđuje činjenice potrebne za odlučivanje o imovinskopravnom zahtjevu;
-  predlaže izdavanje kaznenog naloga;
-  podiže i zastupa optužnicu pred sudom;
-  izjavljuje pravne lijekove;
-  obavlja i druge poslove određene zakonom.

TUŽILAČKE ODLUKE

U svome radu tužioci donose različite odluke, zavisno od prikupljenih i dostavljenih dokaza, a te odluke su:

NAREDBA O SPROVOĐENJU ISTRAGE

U slučaju da tužilac ustanovi da u konkretnom slučaju postoje osnovi sumnje da je izvršeno krivično djelo, donosi naredbu o sprovođenju istrage. U toku istrage, tužilac poduzima zakonom predviđene mjere i radnje usmjerene na rasvjetljavanje relevantnih okolnosti događaja. Radnje dokazivanja su: pretresanje stana, prostorija i lica, privremeno oduzimanje predmeta i imovine, postupak sa sumnjivim stvarima, ispitivanje osumnjičenog, saslušanje svjedoka, uviđaj i rekonstrukcija i vještačenje.

NAREDBA O NESPROVOĐENJU ISTRAGE

Ukoliko tužilac ocijeni da u konkretnom slučaju prijavljeno djelo nije krivično djelo, ako ne postoje osnovi sumnje da je prijavljeno lice učinilo krivično djelo, ako je nastupila zastarjelost ili je djelo obuhvaćeno amnestijom ili pomilovanjem ili ako postoje druge okolnosti koje isključuju krivično gonjenje, donosi naredbu da se istraga neće provoditi. O tome će u roku od tri dana od dana donošenja odluke obavijestiti oštećenog i podnosioca prijave, koji u roku od osam dana kancelariji tužioca mogu podnijeti pritužbu.